

Von Scheerlandt der nechstgemeldten Insel meldet Peuceus in seinem Buch von der Abmes-
 sung der Erden / sie werde von den Schiffleuten Thilenell genennt: vnd da dem also / ist auch mit
 ihm / mit Cambdeno zuschliessen / daß die Insel Thule nunmehr erfunden sey. Dann Scheerlandt
 ist die Insel zwischen Schottlandt vnd Norwegen / ein sehr kalter Ort / vnd allen Sturmwinden vn-
 erwerffen / dessen Inwohner die Fisch / so sie fangen / an dem Winde dörren / solgens mahlen vnd zu
 Brodt bereyten. Solinus setzt sie bey Britanniam, in dem er sagt: Es ligen vmb Britannien her vmb
 verschiedene Inseln / vnter welchen Thule die letzte ist / in deren zur Zeit des Somers / wann nemb-
 lich die Sonn des Zeichen des Krebs durchwandert / gar keine Nacht gespühret wirdt. Im Winter aber
 ist die Tag dermassen kurz / daß deren Auf vnd Nidergang ein ander fast berührn. Jenseyt der In-
 sel Thule ist das stille oder gefrohrne Meer / auff welchem man in zwen Tagen von dem Vorgebürge
 Chaledonia bis in Thulen schiffen kan. Vnd ob sich wol der Polus arcticus in Scheerlandt mit also hoch
 erhebt / wie Pitheas auß Massilien bey dem Strabone davon gedichtet / so gibt vns doch die Verwand-
 schafft der Namen wie gleichfalls auch die Höhe des Poli, so mit des Ptolomæi seiner durch auß vber-
 einstimmpt: vnd dan auch dieweil sie nach des Solini Beschreibung nur zwo Tagreisen von dem Vor-
 gebürge Chaledonia, vnd wie Isidorus sagt / zwischen Norwegen vñ Schottland ligt / gnugsam Br-
 eue / eine für die ander / vnd also beyde für einerley zuhalten. Von dieser Insel Thule schreibt Pompo-
 nius Mela also: die Insel Thule ligt gegen dem Vfer der Bergorum vber / vnd wirdt beydes in Grie-
 chischen vnd Lateinischen Reymen fast gerühmt. Hat / wann die Sonn auffgeht / sehr kurze Nächte / vnd
 ergegen im Winter vber auß kurze Tag. Wer mehr von der Insel Thule zuwissen begehrt / nehme die
 3. Epistel des 3. Buchs Francisci Peurarchæ vor die Hand / als der dieselbige weitläufftig beschreibet.
 Die Insel Frießlandt ligt in dem Deucaledonischen Meer / ist grösser / als Eyslandt / hat einen vn-
 bequemen